

Fidel ĉeestas en ĉiuj kubaj bataloj por suvereneco



Fidel Castro, gvidanto de la kuba revolucio

Havano, nov 25 (RHK) Kubo rememoras hodiaŭ la historian gvidanton de la Revolucio, Fidel Castro, ok jarojn post sia fizika malapero, dum ĉi ratifis sian premsignon en la konstanta batalo por defendi nacian

suverenecon kaj sendependecon.

La datreveno venas meze de la eksterordinaraj klopodoj de la lando por resaniĝi post la lastatempa bato de du uraganoj kaj pluraj tertremoj, kiuj reliefigas la koherecon, patriotan sindevontigon kaj la valoron de solidareco, kiujn Fidel Castro alportis al la procezo de transformoj, kiu komenciĝis en 1959 sub lia gvidado.

Tiaj klopodoj okazas ankaŭ en la kunteksto de ĝisdatigo de la kuba ekonomia modelo, en scenaro de senprecedenca intensigo de la politiko de blokado kaj financa persekutado de Usono, kaj de la amaskomunikila milito antaŭenigita de tiu lando kun la celo subfosi la procezon revolucion sur la insulo.

Tial, preter la bildo de la barbulo en sia olivverda uniformo, kiu igis Fidel Castron simbolon de kuba kaj universala ribelo, nuntempe lia heredaĵo estas vigligita en la tuta lando per produktivaj taskoj kaj konversacioj pri lia vivo, laboro kaj penso, inter aliaj agadoj.

Ĝi-tage, la ĝitupoj de la Universitato de Havano gastigos la junularan omaĝon al la revolucia gvidanto, per politika-kultura vespero, kiu festos la validecon de lia ekzemplo en la ĝiutagaj luktoj de la kuba popolo.

Siaflanke, la Centra Laborista Organizo de Kubo kaj la Unio de Junaj Komunistoj dediĝis al Fidel Castro pasintsabate nacia tagon de volontula laboro, kiu memorigis la 65 jarojn de la unua alvoko de tiu iniciato celanta antaŭenigi produktivajn taskojn kaj akceli la laboron.

Ankaŭ ĝurnalistoj, oficistoj, laboristoj kaj homoj, kiuj havis rektan rilaton kun la revolucia gvidanto rakontis anekdotojn al la novaj generacioj pri tiuj renkontiĝoj, kiuj markis ilian vivon kaj permesis al ili kontroli la realajn dimensiojn kaj magnetismon de tiu, kiu estas konsiderata unu el la grandaj ĝefroluloj de historio kaj politiko de la 20-a jarcento.

Meze de la streĝiĝoj, kiuj markas la internaciajn rilatojn, hodiaŭ estas reasertata ankaŭ la pozicio de la Kuba Revolucio en la defendo de la justaj kaŭzoj de la mondo kontraŭ la pretendoj de la grandaj potencoj eternigi sian hegemonismon, kaj la bezonon de paco.

Antaŭtage, la ministro pri eksteraj aferoj Bruno Rodríguez rememoris en la socia reto X la vizion de Fidel Castro pri ĝi tiu afero kun frazo de la kuba gvidanto:

«Ni estas malamikoj de milito, kaj estas la imperiistoj kiuj trudas militojn al la homaro. Kaj ju pli fortaj ili sentas sin, des pli danĝeraj ili estos. Kaj pro tio, ĝiu popolo, kiu batalas por sia suvereneco kaj sendependeco, defendas pacon.»

Fonto: PL

<https://www.radiohc.cu/eo/noticias/nacionales/370515-fidel-ceestas-en-ciu-j-kubaj-bataloj-por-suvereneco>



Radio Habana Cuba